

author: Ferravilla, Edoardo  
title: La class di asen : scherzo comico con cori  
shelfmark: COLL.IT.0008/0011/10  
library: Biblioteca nazionale Braidense - Milano - IT-MI0185  
identifier: MIL0655555

Le riproduzioni digitali accessibili dalla Biblioteca digitale italiana di [www.internetculturale.it](http://www.internetculturale.it) sono per la maggior parte di dominio pubblico, e provengono dalle attività di digitalizzazione realizzate dalle biblioteche che possiedono gli originali e la proprietà delle riproduzioni digitali, e sono istituzioni partner del portale.

La riutilizzazione non commerciale è libera e gratuita nel rispetto della normativa vigente.

Ai fini della riutilizzazione commerciale e/o per ottenere un documento ad alta definizione contattare il detentore dei diritti del bene digitale utilizzando nel Download del documento, il contatto di posta elettronica.

Gli utilizzatori finali dei beni digitali, sia che riproducano parzialmente o completamente le immagini, dovranno sempre e comunque citare la fonte [www.internetculturale.it](http://www.internetculturale.it)

.....

The digital reproductions accessible from the Italian Digital Library [www.internetculturale.it](http://www.internetculturale.it) are mostly of public domain, and come from the digitization activities carried out by the libraries that own the originals and are ownership of digital reproductions, and are Institutions partner of the portal.

The non-commercial re-use is free in accordance with the local regulations.

To allow commercial reuse and/or to obtain a high-definition document please, contact the copyright holder of the digital object using the contact e-mail you can find in the Download of the document.

The terms of use of the Internet Culturale material states that the final users that reproduce images or part of them must mention the source [www.internetculturale.it](http://www.internetculturale.it)

www.internetculturale.it  
L. 26/6 - 1880 - Alla B. Biblioteca di Pinerolo  
L'Editore



REPERTORIO  
DEL  
**TEATRO MILANESE**  
**LA CLASS DI ASEN**  
Scherzo comico con Cori  
DI  
EDOARDO FERRAVILLA  
**MASSINELLI IN VACANZA**  
Scene famigliari in due atti  
DELLO STESSO  
MILANO  
CARLO BARBINI EDITORE  
Via Chiaravalle, 9.  
Fasc. 110  
PREZZO Cent. 35

I  
8

www.internetculturale.it

GLASS DI ASEN

REPERTORIO DEL TEATRO MILANESE

Fascicolo 110.



10.-

LA  
**CLASS DI ASEN**

Scherzo comico con Cori

DI EDOARDO FERRAVILLA

**MASSINELLI IN VACANZA**

SCENE FAMILIARI

in 2 atti

DELLO STESSO



MILANO

PRESSO **CARLO BARBINI**, EDITORE

Via Chiaravalle, N. 9

1880.

GR

La rappresentazione di queste produzioni sono sottoposte al disposto dell'art. 13 della Legge 25 giugno 1865, N. 2337, ed all'art. 22 del relativo Regolamento 13 febbrajo 1867.

*Queste produzioni sono poste, per quanto riguarda la stampa, sotto la salvaguardia della legge 25 giugno 1865, N. 2337, quale proprietà dell' Editore CARLO BARBINI.*

Tip. G. Golio, via S. Pietro all'Orto, 23.

LA CLASS DI ASEN.

## PERSONAGGI

---

El sur **Direttor**  
**Fustagna**, maestro elementare.  
**D. Malachia**  
El sur **Bussola**  
**Bidello**  
**Teresoeu**, figlia del bidello  
**Segretario**  
**Massinelli**  
**Crapotti**  
**Calcaterra**  
**Tapa**  
**Zucconi**  
**Antarughi**  
**Amaretti** } scolari  
**Birroni**  
**Bussola**  
**Vitelli**  
**Boacini**  
**Peluchi**  
**Codeghetti**

## ATTO UNICO

---

La scena rappresenta una scuola. — Cattedra a destra. —  
In un angolo, a sinistra, panche per gli scolari.

### SCENA PRIMA.

**Bidello.**

*Bid. (cantarellando mentre mette ordine)* Che bella vitascia anca questa. Sta chi a fa el servitor, quand invece mi son nassuu per fa quai-cossa de gross. El bidell! Mi, bidell! Mi, che se i me gent m'avessen faa studià chissà cosa saria diventaa! Dovè sta chi a ricev i ordin de quel bestion d'on professor li, che tra lu e i scolar l'è roba de ciapà ona scova (*nel pulire il cassetto della cattedra*). Guarda, guarda sto animal. El soo ancami che se regna i ratt, el ten chi i crost de formagg. Te chi, te chi, guardee se vorì vedè i pell de salamm, i mocc.

Adess el sentirà cosa ghe disi. E poeu el se lamenta perchè ghe spasseggia i ratt sul tavol. El soo ancami.

SCENA II.

**Fustagna e detto.**

*Fus.* Ciao (si leva l'abito e indossa una spolverina).

*Bid.* Reverissi.

*Fus.* Quant hin i òr?

*Bid.* In quasi i noeuv. Voreva digh de lamentass minga se ghe ven i ratt in sul tavol. El ten li i crost de formagg, i pell de salamm...

*Fus.* In dovè?

*Bid.* Chi. Ch'el toeuja, ch'el guarda.

*Fus.* Ah birboni de fioeu! Te vedet che sort de scherz che me fan?

*Bid.* Ma ben, allora che le sara sit el so cassett, e bella e finida.

*Fus.* Brutti pezza de asnoni. Adess sentiràn.

*Bid.* Ben ben, insomma. Mi gh'el disi adrittura.

Se l'è minga bon a fass rispettà allora ch'el faga on alter mestee che mi son minga chi a fa el spazzin. Se io faccio il bidello l'è perchè g'hoo i me motiv e nissun mai le savarà, ca-

pissel. Nessuno potrà mai capire perchè io faccio il bidello. E guai a chi me manca de rispett. E se l'è staa lu che ha miss li i pell de salamm, come dimm a mi: Voi! netti via! per avvilirmi!

*Fus.* Ma tee set matt?...

*Bid.* Per avvilirmi! Sissignor. Allora il bidello diventa Sansone. La pecora diventa il leone. Lu ch'el staga al so post. Là (segnando la cattedra) e mi al mè. Mi sont on asen. Mi sont ona bestia....

*Fus.* Ma cosa te ven in ment?

*Bid.* L'è domà lu el talenton. Sur professor, a rivederlo, signor maestro. Mi me tocca de scovà, pulire la scuola! Lu l'è el gran sapiente. Vergogna (via).

*Fus.* L'unica l'è a fall ritirà quel lì. La senavra l'è el so sit. Tutti i di ghe n'ha voeunna.

SCENA III.

**Direttore e detto.**

*Dir.* (entra e si siede addolorato da reumatismo)  
Ahi!

*Fus.* Come stal sur Direttore?

*Dir.* Così, così. I me reumatich che me voeuren minga lassà in pàs. Cos'el g'aveva el bidell che sentiva ch'el vosava?

*Fus.* Ma mi disi che l'è matt!

*Dir.* Pover omm dopo che la faa el tifo, quand comencia el cald el dà come foeura e je persipita tucc.

*Fus.* Sigura che l'è on affari seri.

*Dir.* Ma l'è tant on galantomm. Oh, vegnemm a nun. Lu già el sarà pront vera? per l'esamm final?

*Fus.* Oh si l'è giamò ona settimana.

*Dir.* Perché jer hoo ricevuu on avis che stamattina vegnarà la Commission, e quindi saria del parer de comencia de sta class chi, quasi direi speciale, per fagh entrà adrittura l'idea della forza di asinità naturale di questi giovanetti. Veri taponi che non potranno mai far niente. E lu donca come so maester ch'el cerca de fass onor.

*Fus.* Già, già. Oh per mi son secur che l'esame el podarà vess abbastanza soddisfacente. Oh, ecco gli scolari.

SCENA IV.

**Crapotti, Zucconi, Tapa e detti. Indi gli altri meno Massinelli.**

*Tutti* Bon giorno, signor Direttore e signor Professore.

*Dir.* Bon giorno, figliuoli. Guardate che oggi è il giorno di farsi onore. La Commissione verrà a giudicarvi, e se farete bene l'esame, oltre a passare la classe, potrete aspirare anche al premio.

*Tutti* Evviva il signor Direttore.

SCENA V.

**Bidello e detti.**

*Bid.* Silenzio mascalzoni (via).

*Dir.* Dunque state pronti (via salutando il maestro).

*Tutti* Riverisco.

*Fus.* Adess poeu, vorrei sapere chi è stato quel

mal educato, villano senza creanza, che si è permesso di mettere delle cose sudice e sporche nel cassetto della mia cattedra. Chi ha fatto questo scherzo non passerà la classe, così ripeterà per la quarta volta la seconda elementare. Asini e villani.

*Cra.* Mi soo no.

*Zuc.* Mi soo no.

*Tapa.* Io non sono stato, ma Crapotti lo sa.

*Fus.* Dunque, se po savell si o no? O volete che faccia un rapporto al signor Direttore?

*Cra.* È stato Massinelli.

*Fus.* Massinelli? Va bene (*scrive*).

## SCENA VI.

## Massinelli e detti.

*Mas.* (*entra e va al suo posto, gli altri l'avvisano che si trova in guajo*).

*Fus.* Venga un po' fuori lei, signor Massinelli.

*Mas.* (*sorte dal banco*).

*Fus.* Si metta lì da parte. I villani non devono stare colle persone educate. E un'altra volta ch'el se permetterà certi scherzi, sarà scacciato immediatamente.

*Mas.* Sì, ma però allora anca el sur Crapotti che mi a daa lu i pell de mett in del cassetto.

El m'ha ditt: mett dent i pell che dopo quand ven el ratt el ciapem.

*Cra.* L'è minga vera....

*Mas.* Ah l'è minga vera....

*Cra.* Bosard d'on nason....

*Fus.* Silenzio. Al suo posto.

*Mas.* Le mej vegh el nason che robà la roba di alter. Che l'altro giorno avevo addietro la frittata per la seconda colezion, e lu me l'ha rubada e la basolada su lu e el Calcaterra.

*Fus.* Basta. Non voglio saper niente. Per sta volta trattandosi che oggi c'è l'esame ghe passi sòra anca a questa insolenza. Ma guardate che uomo avvisato è mezzo salvato. Che la sia l'ultima volta. Ch'el vaga al suo posto. E per sta volta cancelli anca l'osservazion che aveva faa (*siede e cancella intanto, succede una lite fra gli scolari*). Cosa gh'è? cosa l'è sta cosa. Volete che vi mandi a casa tutti?

*Mas.* L'è quel lì ch'el seguita a dimm nason, nason.

*Fus.* Se ha il nasone è Dio che ce l'ha fatto, dunque rispettatelo. Pensate piuttosto che adesso verrà la Commissione per esaminarvi! Pensate che è già il terzo anno che siete in seconda elementare e che se non saprete rispondere a

tono e giustamente alle domande che vi faranno, passerete per asini e anch'io con voi. Dunque attenzione; preparate la vostra mente, i vostri libri che non ci siano su le macchie d'inchiostro oppure i magatelli che è una vergogna. Ora vi lascio riposare finchè viene la Commissione; intanto pensate a mettervi in memoria quello che vi ho insegnato. Avete capito?

*Tutti* Sissignore (*Fustagna via*).

*Mas.* Boja d'ona spia.

*Cra.* Voj te voeu ciapaj....

*Mas.* Andemm ven de foera (*si urtano, Massinelli è a terra*).

## SCENA VII.

**Bidello e detti.**

*Bid.* (*dà un calcio all'uno, uno schiaffo all'altro e li manda tutti al posto; Massinelli si nasconde dietro la cattedra*) Dove è andato il maestro?

*Mas.* L'è andaa dal direttor.

*Bid.* Bestia d'un imbecille. Teresa? (*chiamando sua figlia*).

## SCENA VIII.

**Teresa e detti.**

*Bid.* Sta chi, cura questa canaglia (*via*).

*Ter.* Andemm, che staghen savi donca, hin li grand come tanti matrigian e hin minga bon de fa on poo de giudizi. Che staghen savii che ghe cantaroo la canzon del ciapin.

*Tutti* Sì, sì!

CORO.

*Ter.* L'era scur, no se vedeva

Pu nè i piant, nè i mont, nè i cà.

Domà el tron, che giò el vegneva

El faseva el coeur scagià.

Ma la in scima al campanin

Sberlosiva su un ciarin,

*Sco.* Cosa l'era?

*Ter.* L'era el lumin,

El lumin del ciapin

*Sco.* Brava la Teresina

Và innanz, l'è propi bell

Insci doman mattina

Gh'el cunti a mè fradell.

*Ter.* In d'on bus, sott terra al scur  
Gh'era là on gatton rabbiaa,  
Ch'el raspava in sù sul mur  
Cont du oggion de disperaa;  
Ma in di oeucc gh'era on lumin  
Che pariven du lampedin,

*Sco.* Cosa l'era?

*Ter.* L'era el lumin;  
El lumin del ciapin.

*Sco.* Brava la Teresina  
Va innanz, l'è propi bell,  
Insci doman mattina  
Gh'el cunti a mè fradell.

## SCENA IX.

**Fustagna, Direttore, Don Malacchia, Bussola,  
Bidello, Segretario e detti.**

*Dir.* (gli scolari vedendo comparire la Commissione si ricompongono e vanno ai loro posti)  
Mi pare che non si faceva molto silenzio.

*Fus.* Dopo aver anche tanto raccomandato di ricomporre la mente per l'esame.

*Bus.* Cerehemm magara de fa on poo impressa che mi g'hoo tanti robb de fa.

*D. Mal.* Sedete e state pronti alle domande che si faranno.

*Bus.* Ei, Bidello, fate sgombrare la sala, c'è lì una fanciulla. Chi l'è quella lì?...

*Bid.* Cosa te fee chi ti?...

*Dir.* (sentendo alzar la voce) Cosa ghè?

*Bid.* Nient, nient, cose interne di famiglia. Vadinno pure avanti.

*D. Mal.* Allora sediamo?

*Bus.* Disi ben; almen quell. A vegh i caj che fa mal e dovè star in pee l'è on piacere del gobbo.

*Fus.* Bidello? delle sedie.

*Bid.* Ecco le sedie (dà ad ognuno la sedia). E voeunna, e do, e trè.

*Bus.* El fa piasè a damen voeunna ancami?

*Bid.* On moment. Di braccia ce ne ho due soltanto.

*Bus.* El me par un bel villan!

*Bid.* Ecco la sedia.

*Bus.* Va ben (siede e profonda nella sedia). Disi el fa aposta, ch'el guarda che mi sont vun de famm minga di scherz, l'avverti per il suo bene.

*Bid.* Se vuole, sono a sua disposizione.

*Fus.* (aggiustando la sedia) Ecco, ecco, l'era el còssin che gh'era foera de post.

*Dir.* (agli scolari) Che cos'è questo ridere?

*Fus.* Silenzio!

*Bus.* (pausa e dopo essersi tutti ricomposti) Disi, ghe semm sì o no? (indispettito).

*Dir.* Attenti, dunque, a rispondere alle domande dei signori. A loro.

*Bus.* (vorrebbe parlare, ma viene prevenuto da *D. Malachia*) Ah, el parla lu?

*D. Mal.* Ch'el scusa, siccome se comincia de solit colla materia religiosa, e quindi el capirà che tocca a mi.

*Bus.* Va ben, va ben; in pocch paroll mi sont on fuston de verz.

*D. Mal.* Mi dà l'elenco degli scolari?

*Seg.* (portandolo) Ecco.

*D. Mal.* (fa l'appello) Antarughi (ad ogni nome risponderà « presente ») Amaretti, Birrone, Bussola (si volge a Bussola) L'è ininga sò parent sto Bussola chi?

*Bus.* (risponde di no solamente col capo).

*D. Mal.* Crapotti, Cresta (nessuno risponde) Cresta.... Non c'è questo Cresta?

*Bid.* È morto.

*Fus.* Cioè, è ammalato.

*Bid.* Sì, ma a quest'ora sarà morto sicuro.

*D. Mal.* Oh diavol, che usell de cattiv auguri! Calcaterra Codeghetti, Massinelli, Tappa, Zucconi, Vitelli, Boacini, Pelucchi.

*Dir.* E ora fate attenzione.

*D. Mal.* Il vostro Direttore m'ha detto che questo è il quarto anno che ripetete la classe, dunque speriamo che sarà l'ultimo e che vi farete onore rispondendo per bene alle domande che vi si faranno. Vediamo. Crapotti (*Crapotti si alza*) Che nome ha la nostra religione?

*Cra.* (confuso) La nostra religione ha il nome di.... religione Cattolica.

*D. Mal.* Che è quella, nevvero, che insegna ad adorare un Dio solo.

*Cra.* Sissignore.

*Bus.* Robba veggia.

*D. Mal.* Sedete. Massinelli, chi ha emanati i dieci Comandamenti, che sono precisamente gli ordini che si devono osservare da chi è religioso, chi fu?

*Mas.* Fu.... Nabucodonosor.

*D. Mal.* Oh, oh, oh! Come?

*Dir.* Diavolo, un po' d'attenzione.

*D. Mal.* I dieci Comandamenti furono ordinati sul monte Sinai, da chi?

*Mas.* Da Sem, Cam, Jafet.

*Dir.* Caro maestro, è un'affare serio. State attento!

*D. Mal.* Vediamo se c'è qualcuno che possa rispondere. Calcaterra?

*Cal.* I dieci Comandamenti furono scritti da Mosè, sotto dettatura di Dio.

*D. Mal.* Cioè, per ordine di Dio.

*Bus.* Bella novità!

*D. Mal.* Nominatemi il capo della Chiesa.

*Tes.* Il capo della Chiesa è il sommo Pontefice.

*D. Mal.* Sedete, va bene. Sentiamo un po' ancora voi, Massinelli, se potete almeno rispondere a una domanda, altrimenti è un affare un pochino serio. Indicatemi uno dei più grandi miracoli operati dal nostro Signor Gesù Cristo durante la sua vita.

*Bus.* Che mort de agon!

*D. Mal.* Avete capito? Ditemi uno dei più grandi miracoli.

*Mas.* Uno dei miracoli più grandi è quando è risuscitato da morte e salì al cielo da per lui, come niente.

*D. Mal.* Spieghiamoci meglio: quello fu il miracolo della risurrezione.

*Bus.* La Dottrinetta.

*D. Mal.* Ma io ho domandato di indicare uno dei miracoli che operò durante la sua vita.

*Mas.* (dopo il suggerimento degli altri) Il miracolo di quando fece comparire tanti bei pescini col pane dentro nel deserto.

*D. Mal.* Oh finalmente! Però bisogna dir meglio: quando operò la moltiplicazione...

*Mas.* La moltiplicazione e la divisione....

*D. Mal.* Non la divisione....

*Bus.* Per mangiaj qui gross j'avaran ben divis.

*D. Mal.* Ch'el disa minga di asnàd. La moltiplicazione dei pani e dei pesci nel deserto. Ora veniamo alla grammatica italiana.

*Fus.* Se crede, Don Malachia, potrebbe far sentire il componimento che ho dato jeri per dovere.

*D. Mal.* Benissimo. Ognuno dunque legga il componimento che devono presentare oggi come loro compito.

*Tutti* (cavando il foglio).

*Bus.* Adess ghe vorarà on para d'òr.

*D. Mal.* Caro lu, bisogna avè pazienza (gli scolari leggono tutti insieme) No, no, no...

*Dir.* Uno per volta.

*Bus.* La tòr de Babilonia.

*D. Mal.* (guardando l'elenco) Tapa.

*Tapa* (si alza col foglio e legge) « Tema: De-  
« scrivere un temporale e lo squallore dei  
« campi dopo il suddetto. — Adagio adagio  
« le nuvole si erano riunite e il cielo aveva  
« il colore della carta sciuga. I pollastri, i  
« cani, i gatti si nascondevano, perchè avevano  
« paura. La gente in strada slongavano il  
« passo per non prendere la sluscia che stava  
« poco a venir giù....

*Bus.* E minga mal.

*Tapa* « Dopo pochi minuti, pataslonf! un gran

« colpo in aria, che era la saetta che era  
 « schioppata, e giù acqua e acqua a rebelotto  
 « che Dio la mandava. Tuoni, lussata, pioggia,  
 « vento, e tutto faceva spaventare il cuore.  
 « Ma quello che fece venire dippiù il magone,  
 « è quello di vedere i campi colle verdure  
 « nascenti, quel bel riso, quei bei verzi, e  
 « tutte quelle cose così buone che andarono  
 « a farsi benedire. Finalmente comparve l'ar-  
 « cobaleno e tutti i paesani allegri allora ven-  
 « nero fuori a ringraziare la Provvidenza ».

*Bus.* Sì, ma el ris e i verz hin andaa.

*D. Mal.* (prevenendo l'idea di Bussola) A ringraziare, è vero, perchè ci poteva capitare un male maggiore e anche la morte. È vero?

*Tapa Sissignore.*

*D. Mal.* Non è molto connesso nella lingua, ma le idee non sono cattive. Sentiamo questo Massinelli.

*Mas.* « Descrizione di una festa di campagna con  
 « illuminazione, musica ed allegria... »

*Dir.* Vera, signor maestro, i componimenti mi pare che li dovessero sapere a memoria.

*Fus.* Sì, signor Direttore, l'ho dato da studiare. Massinelli lasciate il vostro tema e recitatelo a memoria.

*Mas.* (fuori) « Dovunque io guardo io giro vedo  
 « il sorriso sul capo di tutti. Il paese tutto

« illuminato colle sandaline. Tutti i paesani  
 « vestiti dalla festa colla banda che fa così  
 « bel sentire... retes'ciumm, retes'ciumm! Ecco  
 « là un bel gruppo di gente fermati alla ca-  
 « retta a prendere i dolci e la marenata. Ogni  
 « tanto si sente a gridare: — Evviva! — e  
 « la banda che fa venir la volontà di ballare,  
 « retes'ciumm, retes'ciumm! Il chiaro che mette  
 « allegria e si sente in cuore la gioia. Oh che  
 « bella festa, oh che bella festa! »

*D. Mal.* È molto sconnesso il vostro racconto e manca di.... tutto se vogliamo. Quanti anni avete?

*Mas.* Quindici e mezzo.

*Bus.* A ora di sessant'ann l'impararà quajcossa.

*Fus.* Si distingue molto nel disegno e nella geografia, nel resto è proprio insufficiente.

*D. Mal.* Vediamo qualche esperimento.

*Fus.* Quanti triangoli vi sono?

*Mas.* Tre triangoli. — Triangolo equilatero, triangolo isoscele e triangolo scaleno. — Triangolo equilatero è quello che ha tutti i lati uguali e tutti angoli uguali. — Triangolo isoscele è quello che ha due angoli uguali ed uno disuguale. — Triangolo scaleno manca uno eguale, tutt different.

*D. Mal.* Se vogliamo, l'idea è originale.

*Fus.* Peluchi, sortite. Se crede dare un tema

per un dialogo da fare a soggetto.... ho introdotto questa cosa per abituarli a conversare e parlare correntemente.

*D. Mal.* Benissimo, dunque sentiamo: per esempio, due giovinetti, Pierino e Giannetto, che si incontrano dopo le vacanze e raccontano come si sono divertiti coi loro genitori. Voi Massinelli e voi Pelucchi sortite.

*Pel.* Come stai, Pierino?

*Mas.* Bene e tu, Giannetto?

*Pel.* Ti è piaciuto a stare in campagna?

*Mas.* Sì, sì, oh altro!

*Pel.* Io mi divertivo a cogliere i fiori e tu?

*Mas.* Io no.

*Pel.* Non andavi a spasso?

*Mas.* Io non so.

*Pel.* Come, non lo sai.... allora, hai sempre dormito?

*Mas.* Ah! a rivederci.

*D. Mal.* Non c'è male, ma lascia molto a desiderare.

*Fus.* Ora sortite e fate sentire la lezione tredicesima del canto sillabato e il coro guerriero dedicato ai vostri signori superiori. E voi, bidello, andate a prendere i fucili.

*Bus.* L'è l'unica volta che me auguri de diventà sord (*cantano*).

## LEZIONE DI MUSICA.

*Solfeggio.*

— Do mi sol — sol fa sol sol la si do —  
do mi sol — si la sol fa mi fa sol — mi la do  
— mi la do — mi la do — mi la do — sol,  
sol sol sol sol sol sol — sol sol fa sol fa sol  
fa, sol sol mi sol mi sol mi, re mi fa sol la si  
do sol mi fa sol — si la sol — si la sol — sol  
sol fa sol fa sol fa — sol sol mi sol mi sol mi,  
re mi fa sol la si do sol mi do, sol sol si si do,  
do re mi fa mi fa la, sol sol sol sol sol sol  
sol, do re mi fa mi fa la sol sol sol sol sol  
sol sol sol — do sol do sol mi do, re sol si,  
do sol do — do sol do sol mi do, la sol sol la  
si do, mi la do sol — mi la do sol — do.

*D. Mal.* Non c'è male.

*Bus.* Robba de ciappà vun per batt l'alter.

*D. Mal.* Oh adesso si potrà passare alle altre classi.

*Bus.* Sì, sì, per caritaa!

*D. Mal.* Dunque, ragazzi, ricordatevi che bisogna studiare perchè siamo un pochino indietro e pregate Iddio che vi apra un po' l'intelletto.

*Bus.* E ch'el vi tiri in paradiso pussee impressa  
che si può.

*Tutti* Evviva!

*Bus.* Evviva? A dagh dell' asen vòsen evviva!  
(*bidello distribuisce i fucili*).

*Fus.* Attenti al coro guerriero.

*Bus.* Sentimm anca quest, insci almen acqui-  
staremm vint ann de indulgenza. Andemm,  
mettetevi su due righe, contate per due!

CORO FINALE.

*Mas.* Guerregiam, guerregiam  
A la guerra partiam  
E poi ritorniam — Andiamo  
Si, andiam

*Coro* On doi — on doi — on doi  
On doi — on doi — on doi

*Mas.* Si, guerregiam  
Si, guerregiam

*Coro* Rataplam — rataplam  
Rataplam — rataplam

*Mas.* Si, guerregiam  
Si, guerregiam

*Coro* Rataplam — rataplam

Rataplam — rataplam

On doi — on doi — on doi

On doi — on doi — on doi

Finalment dopo trii ann

Vèmm innanz, passemm la class

Alter che, dimm coo de sass

Sèmm talent, sèmm no salam

Da bravi guerrier

Vittoria portiam.

Rataplam, ecc. ecc.

FINE.



## PERSONAGGI

---

**Girolom Massinelli.**

**Catterina**, sua moglie.

**Gustin Massinelli**, loro nipote.

La Contessa **Rosa**.

**Lauretta** }  
**Teresina** } sue figlie.

**Luis**, promesso sposo di Lauretta.

**Ghita**, cameriera di casa Massinelli.

El sur **Dottor**.

El sur **Giovann**.

**Annetta**.

Un servo.

Invitati.

## ATTO PRIMO

---

In casa Massinelli.

SCENA PRIMA.

**Girolom e Catterina.**

*Cat. (sta abbigliandosi per viaggio)* Quel che poss ditt l'è che te see on gran secca perdee.

Quand l'è che te la finiree de toeum el faa?

*Gir.* Ma si, g'hoo minga reson? Te voeu forsi negà che jer sira non avj faa alter che parlass adasi, a fa di ciciorit? Son minga orb vè S'hin accort tucc.

*Cat.* Che ciciorit, che minga ciciorit. Se parlava della sura Carolina e naturalment se podeva minga sbragià.

*Gir.* Già... già la sura Carolina... La g'ha i spall gross la sura Carolina.

*Cat.* Insomma, in poch paroll, sechem pu, che son stufa. Emm de veden anmò adess? L'è li vecc de mazzà, el se me mett a fa el gelos! el gelos de cosa poeu? Pazienza vegh di motiv. Te ghe minga vergogna? Tel li el pivelin, pover vegioeu, pover bagain, ghe daremm el bombon per fall sta savi? Ah, ah, ah!

*Gir.* Te vedet come te fee? Almen droeuva minga l'ironia. Te se che l'ironia la me ucid. Se te foo di osservazion l'è perchè me premm el me onor, el tò, quel di me tòsann. L'è perchè vuj minga che nassa di scandol, e che se disa che mia miee dopo vint ann de matrimoni la fa di robb che va minga ben. Ecco perchè parli.

*Cat.* Ah si? ben digh così a quij che me parla adree a mi de guardass a lor. Digh che staghèn su alegher tucc e ti anca ti insemma. Impara puttost a fa el mari come se dev e fenissela de di su di asnad se te voeu minga che te faga imparà a trattà come se dev ona donna come mi, brutt bestion d'on zucon.

*Gir.* (calmandosi quasi per paura) Seusa Catterina, se mi te disi quest l'è perchè...

*Cat.* Perchè te see on asen, l'è on pezz ch'el soo.

*Gir.* Te vedet come te fee? Te inveisset adrittura; dimm minga di paroll che mortifica. Se son gelos, se te vuj ben ghe n'impodì mi? Se po comandagh forsi a stoo benedetto coeur?

*Cat.* Ma sentii adess ch'el fa el sentimental?

*Gir.* Cìà, famm on basin e femm pas.

*Cat.* Cara el mè puvionin.

*Gir.* Fam stoo basin. Poss minga stà in collera.

*Cat.* Pover fiolin, guarda, guarda, come l'è savi.

*Gir.* No, scherza minga. Te vedet no che soffri.

Femm sta pàs. Cìà sto basin, brutta stria.

*Cat.* Col patto de tocum pu el fiaa (fa il bacio).

*Gir.* (appena ricevuto il bacio) A pensala che daria l'anima per ti!

SCENA II.

*Ghita* entrando mentre *Girolom* sta ancora abbracciando *Catterina*.

*Ghi.* Che scusen, che faghen pur.

*Cat.* On'altra volta se ciama compermess.

*Ghi.* La g'ha reson, che scusen.

*Cat.* Instess allà mattina quand se porta el caffè se domanda compermess.

*Ghi.* Ma quell le sta el sur padron.

*Gir.* Cos'è cos'è el sur padron?

*Ghi.* Ma sì, el m'ha minga ditt lu... Ti ven pur denter, mett giò el caffè sul cifon, anzi el m'ha fina ditt de quatal quand l'è desquataa.

*Gir.* Cioè ho ditt...

*Cat.* Basta.... (*adagio a Girolom*) Brutt animal.

Minga tanti paroll.... Cose gh'è? Cose te voeu?

Cose te see vegnuda chi a fa?

*Ghi.* Voreva digh de fa piàsè a pregà el so nevod de ciapass minga tanta libertaa de fam di scherz perchè a di' la veritaa.... un poo e du va ben, ma....

*Cat.* Che scherz?

*Ghi.* Ma sì, anca sta mattina el ven in cusina a mett i man adoss, a di' su di robb che stà minga ben, fam di carezz, ma pazienza i carezz. Te chi che boja d'on gibol ch'el m'ha fa su sul brasc, che guarden.

*Gir.* Po vedè.... Sigura guarda (*intanto gli tasta il braccio*).

*Ghi.* Aja, ch'el strengia no!

*Cat.* Fa minga l'imbecille (*a Girolom*). Basta, basta, nun emm minga bisogn de savè tanti stori; me par però impossibil che noster nevod l'abbia de fa certi robb.

*Ghi.* Ma la me capiss, neh.... adess l'è el moment ch'el diventa grand, l'è el moment del svilupp.... fra de lor imparen i malizi.... e poeu....

*Cat.* Ben ben, quisti hin tutt ciacer inutil.... Vorraria poeu minga alla lunga che te siet ti che ghe je fa imparà.

*Ghi.* Mi? Oh! sura padrona, cosa ghe ven in ment?

*Cat.* Ma di volt, adess disi.... Ciamel on poo chi el Gustin!

*Ghi.* Per sta volta che la ghe perdonna.

*Cat.* Ho ditt de ciamall (*Ghita va dalla porta a sinistra laterale*). Te capisset che bel mobil che l'è el to nevodin? E ti asen a ciapall chi in campagna. Semm chi strengiu su che quasi ghe stemm minga nun e lu tira chi anca di alter cruza.

*Ghi.* Me par de avetel ditt prima.

*Cat.* Sì, ma guarda che te avverti, la prima ch'el me fa, aria ai monti, el va a Milan drizz com'on fus, che mi vuj minga de scandol in casa, de vegh di fastidi.

SCENA III.

Gustin e detti.

*Gus.* La m'ha domanda?

*Cat.* Sì.... l'ho domanda, ch'el vegna on poo chi... Ch'el disa on poo.... Chi l'è che g'ha insegnaa a prendes di licenz, e mettegh i man adoss ai donn de servizi?... Èh? el rispond, o no?

tocch d'on matrigian pien de malizia con l'anima negra pussee del tabâr del diavol.

*Gus.* Oeuh! cos'hoo faa?

*Cat.* Ah, cos'hoo faa? el dis? Ah! el g'ha coeur anca de ciamà cosa l'ha faa? Chi l'è che andaa in cusina sta mattina a fa i scherz alla Ghita e fagh su i giboi sul brasc?

*Gus.* Cos'è el, gibol... Oh madocina, hoo faa cosi sul brasc, perchè la g'aveva el brasc biott e mi g'hoo faa cosi.

*Cat.* Ah, cosi? Ah, g'hoo faa cosi... Chi bisognaria scrivegh a so papà, e digh de vegni a vedè i bej robb ch'el fa... Porco d'on ross de mal pel, pien de malizia e nient d'alter.

*Gus.* Allora bisognaria... Oh Signor, l'è mej tasè.

*Cat.* No, no, ch'el faga minga el nostran per no pagà dazi.

*Gus.* Ma sì, porco sciampin... El Luisin, allora, ch'el fa semper i scherz?

*Cat.* Lu l'ha minga de guardà i alter, lu ch'el tenda per l'anima soa, o zucon d'on zucon.

*Gus.* L'alter di allora el Luisoeu el g'ha faa el basin sul copin va ben, e mi son li cosi, perchè voreva faghel ancami, pach la basletta in faccia...

*Cat.* L'ha faa benissim.... Cos'el va lu a vorrè fagh i basitt ai tosann.

*Gus.* Mi l'è perchè me pias.

*Cat.* Ah sì? Ah perchè ghe pias?! Te capisset? *(a Girolom)* Oh! la vedarem... Intanta per ona settimana invece de andà a spass el starà in casa a studia. Incoeu poeu ghe scrivarem a so pader... avanti, ch'el ciapa i so liber e ch'el se metta al tavol. Ghe faroo passà mi i caprizzi.

*Gus.* La ved come la fa? perchè la fa cosi?

*Cat.* Ch'el sbrotta minga vedel... allòn! ch'el faga quel che ordini senza tanti ciacer *(Gustin eseguisce il comando)*.

*Gus.* *(dopo essersi seduto per studiare)* Porco sciampin! *(urta il tavolo furiosamente)*.

*Cat.* Vòj, vòj, el voeur forse che leva su mi?

*Gus.* Perchè me tocca semper de andà de mezz mi per i alter.

*Gir.* Andem donca che l'ubedissa la zia e ch'el tasa. Tocco de galeotto.

*Gus.* Ei... el galeott... Mi, che senten, che me lassen andà a fraa e bella e fenida.

*Cat.* Guarda che se te vee inanz on poo ancamò vegni mi a datt el fraa sui spall... Porco d'on scimbiott.

*Gus.* Se sont el scimbiott che la me faga andà dent in del giardin pubblich.

*Cat.* Oh! insomma *(alzandosi va verso Gustin)*. L'è bon de fenila de rispond sì o no! *(dando un ceffone)*.

*Gus.* Aja, aja... Sacrabloeu.... Sacranon....

*Gir.* Gustin fenissela.... guarda che se levi su mi, levi minga su per nient.

*Gus.* Ma si, fa bisogn de picà via?

*Cat.* Basta così, l'ha capii o no? (pausa).

*Gus.* (fischando finge di studiare).

*Cat.* Ma chi l'è che zifola (guardandosi d'attorno).

Ma te sentet.... el voeur che vegna mi a faghela feni con quel zifol? Te capisset che bella educazion che l'ha imparaa. Villanzon senza creanza.

*Gus.* Coss'è? Che guarden che on quai di saron bon anca de ciapà la legora cont el car (via).

*Gir.* (risoluto) El ciaparà di bon scuflott, minga la legora.

*Cat.* Te capisset che sort d'on sfaciaa ch'el diventa?

*Gir.* Se hin quij i bei robb che l'impara a scoeula.

*Cat.* Già talis zios, talis nipotes. Anca ti già te see semper sta on zucon prepotent, che ghe nè minga d'alter.

*Gir.* Oheu dess, perchè te diset così?

*Cat.* Ch'el metta giò el zucot e ch'el studia, sendò ghe la do mi la legora col car (*Gustin si mette a studiare, pausa*).

## SCENA IV.

**Ghita e detti.**

*Ghi.* La sura contessa l'ha mandaa a di' che i spetten.

*Cat.* Sigura.... Quant'hin i òr?

*Gir.* Hin sett òr.

*Cat.* Figuremes.... Te vedet in causa de tutt i to asnad, te me fee manca d'educazion... (a *Ghita*) Cia, damm la mantiglia. Ti vuj (a *Gustin*) vestisset che te see li che te paret on pilat. Andà in casa della gent consciaa in quella guisa li che te paret fioeu de nissun.

*Gus.* Me tocca de mett su el sortoron longh?

*Cat.* Quel che te ghee.

*Gus.* Ah, madona.... Mi che la senta... mi g'hoo vergogna. Pari on'oca...

*Cat.* Ho ditt de fa impressa, e ti, anca ti, vestisset (intanto *Ghita* ajuta *Catterina* a vestirsi).

*Gir.* Mi quant hoo miss su el capell hoo fenii.

*Gus.* G'hoo anca i scarp rott...

*Cat.* Che ne metta on para di mè, va toeu, daghi (*Ghita* va e ritorna colle scarpe di *Catterina* che dà a *Massinelli*).

*Gus.* Ah, madona.... Porco sciampin.... G' hoo minga nanca el capell...

*Gir.* Oh, signor, quanti seus... G'hoo minga ona roba, g'hoo minga l'altra, g'hoo minga l'alter. Ghè li tant capej che fa paura.... Tireghen foeura vun, e bella e fenida (*Ghita va e ritorna con cappello*).

*Cat.* El se daria forsi d'intend de fa el scich, con quel facin de pipa li?

*Ghi.* Ecco quest chi l'è propi adattaa.

*Gus.* Oh signor, l'è largh, el va giò sul nas.

*Gir.* Andemm, svelto, ch'el faga quel che disem senza tanti ciacer (*questa scena va fatta mentre si vestono*).

*Gus.* Ben, ben, va ben (*nella sua camera*).

*Cat.* Nun podem andà inanz. Figuremmes. S'erem invidaa per i 6 òr, e ti, o cruzi d'on cruzi, te see minga bon de guardà l'orolog? Mett su polit quel capell, così, minga come i piech. Guarda li el bottonin deslassaa.... Cìà.... li... Cossa ghe?

*Gir.* Te tiret, s'è rott i senturitt... Aja, no... Fa no così?

*Cat.* Signor.... Te see intrigaa come on salamm .. lassa i calzon.... Andem inanz (*dandogli una spinta*).

*Gir.* Signor, che maniera.

*Cat.* Quell'alter cruzi digh de vegni là subet (*via*).

*Ghi.* Sissignora.

SCENA V.

*Ghita sola.*

Pover omm, le fa balà come on magatell. Cose pagaria mi a vess là in d'on canton a vedej. Quel bel tanghen li poeu in mezz a tucc l'ha de fa ona bella figura. Eì lu ch'el faga impressa!

SCENA VI.

*Gustin abbigliato e detta.*

*Ghi.* L'è content è? balossett ch'el va là a lustrass la vista colla sura Lauretta?

*Gus.* In giamò andaa?

*Ghi.* Sì, l'ha ditt de andà subet subet. Eì, ch'el guarda de no innamorass tropp.

*Gus.* Mi sta sira, intanta che sont là, ghe doo el tir.

*Ghi.* Quel l'è de fa. El sa cos'el dovaria fa? preparà on bel bigliettin e quand l'è el moment bon, tracheta reflaghel in di man.

*Gus.* E dâj che mi gh'el reflli de bon?  
*Ghi.* La saria l'unica.  
*Gus.* No, no.... ecco.... mi prima comenci a fa el tovajan, ghe disi quj robb li che te me ditt ti, va ben?  
*Ghi.* El se regorda polit?  
*Gus.* Porco.... Guarda, guarda, incoeu l'è pussee bella del solit. Cose pagaria mi, ah Madona, ah Madona.  
*Ghi.* No minga cosi.... Cose pagaria mi, e li ch'el specia on poo e ch'el tira su el fiaa, cosi ah! Madona.  
*Gus.* Ah, Madona, che bel manin, porco sciampin.  
*Ghi.* No, minga porco sciampin... Che bell manin.... Che car sciampin.  
*Gus.* Che car sciampin.... Tracheta la lettera.... e dopo....  
*Ghi.* E dopo lu l'è al post.  
*Gus.* E la lettera?  
*Ghi.* Che le faga giò, in d'on moment el fa.  
*Gus.* Dâj.... Cia.... Mi ghe scrivi....  
*Ghi.* Cose l'ha de scrivegh?... Che l'è inamoraa, e che se la voeur lu le sposa e.... che....  
*Gus.* Tâs, tâs (*scrive la lettera*).  
*Ghi.* Cia, che ghe mettaroo dent on poo de carta per fa che nol ghe horla giò sui spall.  
*Gus.* Tâs.  
*Ghi.* Cribi, ghe voraria quaicoss (*dopo aver messo*

*la carta*) la stâ minga denter.... Specia mi (*va a prendere il vaso della colla*). Così (*dopo aver data la colla sotto al cappello*).  
*Gus.* Ecco sent: « Cara Lauretta. Io già è un « pezzo che mi piace. È vero che sono piccolo « ancora, ma però allora ci sono anche di altri, « dunque cosa c'è. Se lei ci piacio io, ditelo pure « che io già mel'immagino. A pensare che siamo « qui in vacanza e che se vien su un tempo- « rale e la saetta che se viene adosso a lei « vi fa male, allora solamente a pensare di- « vento freddo, e mi dico suo  
 « *Affezionato.* »  
*Ghi.* Va benone, che le piega su.... Ch'el còra, e ch'el guarda de no ciapà su di bott.  
*Gus.* Perchè, perchè?...  
*Ghi.* Ma di volt, che ghe fuss quachedun d'alter che ghe fa l'asen.  
*Gus.* Sont ben bon de rangiagh i staff.  
*Ghi.* Quel l'è de fa! Giò bott!  
*Gus.* El bronchi per el stomegh, pach, pach (*si mette il cappello*).  
*Ghi.* Ch'el còra.... Ch'el piega su pulit la lettera e che le sonda.  
*Gus.* Ecco, così.  
*Ghi.* Però ej ch'el senta... La tòsa della Contessa la g'ha minga sto bel busin chi in del barboss che ghe piàs tant a lu.

*Gus.* Sì, me piàs, ma te mè lasset nanca tocà, donca... Perchè te ghe ti el busin li così?

*Ghi.* Mi soo no, l'è el Signor che mè l'ha faa.

*Gus.* Coss'è el Signor? el Signor el fa minga i busitt in di barboss vè... Lassa tocà on poo?

*Ghi.* Sì, ma adasi.

*Gus.* (vorrebbe far un bacio).

*Ghi.* Ej, ej, ej, savi.

*Gus.* Ah Madona... Te vedet come te fee?

*Ghi.* Così, basta ch'el vaga.

*Gus.* (dando in un sospiro) Porco sciampin. Ciao, bel funsgiott (via).

FINE DELL'ATTO PRIMO.

ATTO SECONDO

Sala riccamente ammobigliata in casa della contessa Rosa.

SCENA PRIMA.

*Giovann, Girolom, Luis e detti.*

*Gio.* (che sta giocando con Girolom) Guarda che deslippa. Ma el sa ché l'è pur anca fortunaa?

*Gir.* Cos'el voeur fagh, sont desfortunaa in tutt coss, almen a briscola l'è de giusta che vengia.

*Luis* (che sta bisticciando con Lauretta) Sì, ma cara lee fa minga bisogn de fa el mull a quella manèra chi.

*Luis.* L'è minga pu el mazzett de fior, l'è perchè l'aveva pregaa de balà minga insemma e lu invece per famm dispett... Oh! ma se sta sera la ven' chi....

*Luis* Ma che la scusa, la voreva che avess de comett ona villanada?

*Lau.* Che villanada, che villanada. Mi ghe disi domà che se l'ha giuraa de famm diventà matta el se sbaglia. Imbecille, d'ona stupida, antipatica, bona domà de posà e nient d'alter, e el bel l'è che la me guardava in faccia come dass d'intend de famm rabbia.

*Luis* Tutt robb che la se mett in ment lee. Andemm, la ven debass in giardin?

*Lau.* Nanca s'el me dà on milion (*continua*).

*Gir.* (*che avrà sempre osservata la moglie*) El par ch'el g'abbia nissun d'alter che mia miee de stagh in di cost.

*Con.* Oh! sì, oh el neghi minga.... in temp de mia gioventù me sont divertida molto, ma dopo maridada hoo cambiaa propi totalment d'abitudin. Ho semper preferi a sta in campagna sola soletta, foera de tutt i maldicenz e tutt i secatùr.

*Cat.* La g'ha reson, pagaria quaicoss ancami a podè fa altrettant. Se g'avess minga quel pover cruzi li.

*Dot.* El sent, sur Girolom, la soa miee, la voeur

stabiliss in campagna, perchè a Milan la dis che ghe tropp galavroni.

*Gir.* Oh, in quanto a quell, ghe n'è anca chi de galavroni. Vòj, Catterina, te voeu vegni debass a ciapà on poo d'aria?

*Cat.* Grazie, no, la me fa mal l'aria. Te dovariet puttost ti, andà incontra a Gustin l'è tant on terramot di volt ch'el se sia perduu...

*Gir.* No, grazie. Me fa mal andà incontra al Gustin. (La cerca de desfesciamm, ma la se sbaglia).

*Dot.* Se la voeur che vaga mi.

*Cat.* Oh? grazie.

*Con.* Pover Gustinella, ghe vuj tanto ben mi a quel pover fiorase li. L'è on poo durett, come se dis, ma l'è tanto bon.

## SCENA II.

**Gustin e detti.**

*Gus.* Reverisco, come stan, stan ben? (*saluti analoghi*).

*Cat.* Come l'è stada a incantass così tant? Perbacco, te de mettegh così tanto temp?

*Gus.* Brava, perchè debass gh'era li el Floch che bajava el casciva foeura el muson del restell, el pariva rabiaa, perchè el me cognosseva pu. S'el me mord, dopo chi ghe n'ha avuu ghe n'ha avuu....

*Con.* Quel brutt succon d'on Peder.... Gh'el disi semper de tegnill ligaa colla catena. L'è on demoni d'on can che se scherza minga.

*Cat.* L'è bon de guardia.

*Con.* Sì, ma po succed anca ona disgrazia. Te se stremi?

*Gus.* No, no; ma sont andaa li così. Vòj, boja d'on Floch, te me cognosset pu? e lu el seguiva col muson sotta, buff, buff, mi sont andaa li adasi adasi, hoo comenciaa a fagh i carezz, l'ha capii che s'era mi.

*Dot.* E cose l'ha ditt?

*Gus.* Comè, cose l'ha ditt, i can parlen no, vedell

*Dot.* (futando) Mi capissi no.... Che odor che se sent, com'è de.... de colla... Ghe par minga a lor?...

*Con.* Diffatti, on odor cattiv.

*Cat.* Ancami, diffatti.

*Gus.* Lé stada la Ghita che l'ha m'ha incolaa

la carta chi così in del cappell. Te chi (mostra).

*Cat.* Bella porcheria, animo, animo, aria ai monti, gira. Va ciapa dell'aria. Figuremes, perchè el g'ha el cappell on poo largh el ghe mett la cola. Va, va, te capii?

*Con.* No, pover vecc!

## SCENA III.

*Due Servi con gabarè, uno con paste, l'altro con rinfreschi, fanno il giro offrendo agli invitati. Gustin si allontana.*

*Luis* La voeur forse che toeuja su e che vaga e che me lassa vedè pu?

*Lau.* Ch'el faga quel ch'el voeur.... quand s'è senza puntilli se po fa quest e alter.

*Luis* Ma cara lee, la sa no che nanca a vegh la pazienza de Giobbe l'è minga assee, on poo e du va ben, ma per Bacco poeu.... (continua il dialogo, tutti si sono serviti di rinfreschi e vino).

*Ter.* (che sta giocando agli scacchi con Annetta)  
*Massinelli in vacanza.*

La mia sorella la se diverta domà a tacà lit col so Luis.

*Ann.* L'è tutta sira che hin sotta.

*Ter.* Tutt foeugh de paja, tachen lit dés volt al di, e poeu se voeuren pussee ben de prima.

*Gio.* Che disen quel che voeuren, ma on bon bicier de Marsala el var pussee che ona stan-gada (*ridono i vicini*). No, no, vòj parlemm sul seri, l'è on gran Marsala.... Quasi quasi faria on patt colla sura Contessa. Mi ghe cedi la mia miee e lee la me ced la soa cantina (*risa*).

*Con.* El ghe giontaria lu, perchè ona brava donnin come la Giuditta l'è trovaria pu.

*Gio.* Eppur cose la voeur, l'hoo perduda tanti volt e l'hoo semper trovada. L'è el portamonet che quand el se perd el se troeuva pu, ah, ah, ah!

*Dot.* L'è on gran demoni quel sur Giovann.

*Con.* L'è on matton. Bisogna nominall capo della compagnia di mattoni.

*Gio.* El capp di mattoni? Com'è? son minga on capp master, vedela, de vess capp di mattoni (*ridono*).

*Dot.* Oh signor, come le ten longa.

*Gio.* Ecco (*prende il bicchiere*). Bevi alla salut della sura Contessa che l'è el so di. S. Rosa donca. Evviva S. Rosa. Evviva el sur Luis, che sposand on così bel bocon el po tirà su i barbis.

*Luis* Grazie.

*Gio.* E bevi stoo vin alla salut di spòs. Tant per fagh vedè che son minga invidios.

*Con.* Diavol d'on sur Giovann, l'è semper pien de vita e d'allegria ch'el par on giovinott.

*Gio.* Come, cose la cred che sia vecc forsi? Femm scommessa che mi son minor de lor? Quanti ann la g'ha lee?

*Con.* Quarant'un.

*Gio.* E lee, se però l'è lecit?

*Cat.* Trentaduu.

*Gio.* Donca quarantun e trentaduu fan 73. E mi invece ho mo de tocà i 60, donca veden che son pussee giovin de lor (*risa*).

*Dot.* Che balossett, com'el ghe riva.

*Con.* Andemm, Gustin, l'alter di te me promess che te me favet senti quaicossa.

*Cat.* Oh, signor, l'è bon de nient.

*Con.* No, no, el m'ha promiss, vera Gustin? Andemm, così dopo vemm tutti in giardin a ciapà on poo d'aria.

*Gus.* *(che sarà riuscito a sedersi vicino a Lauretta)* Mi se voeuren sonaroo magari Di quella pira.

*Gio.* Ma si, ch'el sona di quella pira.... Minga per alter, ma per passà la sira.

*Dot.* Dio, com'el ruga *(Gustin va al piano)*.

*Con.* Silenzio, signori *(Girolom avrà in questo momento domandata Catterina, lamentandosi del suo contegno col Dottore)*:

*Gir.* Me par ch'el sia vora de finilla.

*Cat.* Imbecille.

*Con.* Cos'el g'ha?

*Cat.* Ma nient, l'è matt com'è on cavall.

*Gus.* *(suona — dopo tutti lo applaudono — Gustin fa una riverenza)*.

*Luis* Auff! L'è mej che vaga a ciapà dell'aria *(accende uno zigaretto e si avvia verso il giardino)*.

*Gus.* Adess che faghen silenzi che canti la romanza. Ah, su quel sasso....

*Tutti* Benissim.

*Gus.* Col patt de tasè se de no pienti li.

*Gio.* *(a Girolom che beve)* Ma el sa che sta sira n'ha bevuu di gran bicer?

*Gir.* S'el provass lu a vegh sul stomegh la rabia che g'hoo mi.

*Gio.* Perchè cose gh'è success?

*Gir.* Gh'è che.... *(dando un'occhiata al Dottore)* Cos'el disaria lu se soa miee.... *(continua il discorso con Giovann)*.

*Gus.* *(in questo momento avrà domandato Teresa per accompagnare. — Canta la romanza)*. Silenzio.

Mi ricordo quei bei tempi  
Quando un giorno, ahi me lasso,  
Io gemeva su quel sasso  
Ah, su quel sasso.... Ah, su quel sasso,  
Si gemeva nel dolor.

Hin bon de dagh on taj?

Era amore che crudele  
Mi crucciava dentro il core  
E infelice, ahi me lasso,  
Io gemeva su quel sasso  
Ah! su quel sasso  
Io gemeva di dolor.

*Tutti* Bravo, bene.

SCENA IV.

Servo e detti.

Ser. Signora Contessa, in giardino è tutto pronto.

Con. Bravi fioeu. Signori, chi ci ama ci segua.

El Luis dove l'è? (a Lauretta).

Lau. Soo no mi. Me par ch'el sia debass.

Dot. (dà il braccio a Catterina) La permett? (si avviano).

Gir. (a Giovann) Ecco, el ved? El par minga ch'el faga apposta? El g'ha propi domà la mia miee?

Gio. E lu ch'el ghe staga adree.

Gir. Oh! quel l'è poch, ma sicur (li segue).

Gio. Eccomi, signora Contessa (dà il braccio).

Signori, sono attesi dans le jardin (via con la Contessa).

Con. Laura, andemm.

Lau. Oh Dio.... Se gavaroo voeuja vegnaroo (via tutti meno Lauretta e Gustin).

SCENA V.

Gustin e Lauretta.

Gus. (dopo pausa — scena) Guarda guarda incoeu, l'è pussee bella del solit. Cose pagaria mi. Ah, Madona! Ah, Madona!

Lau. Cose ghe ven in ment? el diventa matt?

Gus. Che la tasa.... Cose pagaria mi.... Ah Madona! Vòj! ma che bel sciampin.... Che bel manin... Tracheta, bella e refileda.

Lau. Cose demoni l'è sta roba, chi? (dopo ricevuta la lettera).

Gus. Che la legia.... Lee che la legia e poeu me le savarà di'... Lee la g'ha no el busin in del barboss? Madona! Se la g'avess el busin in del barboss.... Che la legia.... (si porta sulla porta comune).

Lau. (legge e ride). Che imbecille? Dopo tutt s'el fuss on bel giovinott el saria propi el caso de approffittà, demà per fagh rabbia a quell'impostor d'on Luis. Oh! ma fa nient, quaj-

coss el po servi anca quest chi (*lo domanda*).  
Èi lu!!... Ch'el vegna chi.. Ch'el senta. Lu già  
l'è on gran bel facin simpatich e l'è on pezz  
ancami ch'el me piàs.

*Gus.* Me s'era ben imaginaa.

*Lau.* Donca l'è inutil fa misteri?

*Gus.* Perchè emm de fa misteri?

*Lau.* Cìà (*risoluta*). Ch'el me daga la soa man.

El me giura de fa quel che ghe disi mi?

*Gus.* Mi.... ma....

*Lau.* Sì, o no?

*Gus.* Sì, ma minga fa i robb de malizia.

*Lau.* Cose ghe entra la malizia.... Lu, va ben,  
el dis de vorem ben a mi?

*Gus.* Porco, se ghe vuj ben.

*Lau.* Ben, ch'el senta (*dando la mano*). Lu l'ha  
de vendicamm. Ma cos'el g'ha che ghe taca  
tutt i man.

*Gus.* L'è la colla della Ghita.

SCENA VI.

*Teresina, Annetta e detti.*

*Ter.* Insomma, cara ti ven debass. La mamma  
l'è foeura de lee, te fee ona figura minga bella.

*Ann.* Sia bona, Lauretta. Hin tutt cialad de rid.

*Ter.* Vegni no, e no, e no!! lassem sta.

*Gus.* Che sechen no, Madona, quand s'è adree  
a parlà.

*Ann.* Chi l'è che parla con lu?

*Ter.* (*accarezzando Lauretta*) Sia bona! Te pre-  
ghi.... Almen per riguard ai alter e poeu anca  
per la mamma. L'è el so di.... Sia savia.

*Lau.* Che savia, che savia.

*Gus.* Quanti stori.

*Ter.* Te preghi, sia bona, ven debass.

SCENA VII.

*Luis si avanza, e detti.*

*Lau.* Senti, guardee che se me sechen ancamo  
toeuj su e voo in lett.

*Luis* El saria quasi mej.

*Lau.* Sia bona, sia bona. I alter hin bon con  
mi? Me fan di dispett e nient alter, donca  
mi ghi foo a lor.

*Gus.* Porco, se l'è vera.

*Ter.* Ch'el scusa, lu el ghe entra nient.

*Luis* Va ben, ma per fa certi vendett, bisogna

procurass quajcoss de mej, minga certi modej de pipa.

*Lau.* I modej de pipa certi volt g'hann pussee puntilli e pussee educazion e pussee coeur de certi giovinotti.

*Ter.* Insomma, finilla, in nome di Dio.

*Luis* La parla forse con mi?

*Lau.* E lu el parla con mi?

*Ter.* Guardee che da on moment all'alter po vegnì quaichedun.

*Luis* Se parli, l'è perchè g'hoo reson e perchè son stuff, e stuff, e stuff de vess tratta in sta manera. Se lee l'ha g'ha di caprizzi per la testa l'è inutil che la se sfoga con mi. Parli, perchè credi ch'el sia vora de finilla. Parli, perchè capissi che l'è on peccaa a voregh ben a lee. Ecco perchè parli.

*Ter.* Vosa no, per caritàa.

*Gus.* Oh signor, quanti stori.

*Luis* Ch'el se tira indree lu, ch'el scusa.

*Gus.* Coss'è indree, coss'è indree?

*Luis* Hoo ditt de tirass indree, l'ha mai imparaa l'educazion, bestia d'on Rubastain de strapazz?

*Gus.* (avventandosi, trattenuto dalle altre) Coss'è? Rustane de strapazz? Che mi el sbanbi (*Annetta e Lauretta lo portano fuori*).

SCENA VIII.

Lauretta e Luis.

*Luis* Che la senta.... In nome di Dio! femmes minga rid adree. Manca on més a sposass e tutt i di semm de capp. Hoo sbagliaa? Ghe domandi scusa. Hoo faa quaicoss senza savell che l'ha offesa? Me mettaroo in genoeucc. Dio mio! L'è d'on ostinazion esagerada. Che la scusa se gh'el disi, ma el mull del mè fattor l'è men ostinaa de lee.

*Lau.* E lu ch'el spòsa el mull de so fattor.

*Luis* Andemm, che la sia bona. L'è semper stada on angiòl, e propi sta sera la voeur posà a fa la cattiva (*Gustin si mostra spingendo*). Che la pensa ch'el més che ven emm de vess mari e miee.

*Lau.* El po ringrazià la mamma che inchoeu l'è el so di, se de no...

*Luis* Brava. Grazie. Ghe cercaria on basin per

fa la pas propi polit, ma siccome soo che la voeur no, ecco (*baciandola*) gh'el foo a tradiment.

*Lau.* Sfaciaa.

*Gus.* Adess hoo veduu.

*Lau.* Voo a lavamm on poo la faccia per minga fa vedè che hoo piangiuu (*via*).

*Luis* Brava.

*Gus.* Porco se hoo veduu. Intanta indree la mia lettera (*passeggia fischiando*).

*Luis* Vòj è rivaa el merlo. Ma senti come l'è bravo.

*Gus.* Ch'el guarda che mi son bon de ciapà la legora col car.

*Luis* Per parte mia che le ciapa anca col tir a quatter che me n'importa propi poch.

SCENA IX.

**Luis, Laretta e tutti gli altri che ritornano dal giardino.**

*Con.* Insomma, come l'è sta storia? Spettee propi sta sera a fa di cialad? Me par che almen per educazion,...

*Gio.* Tutti cercano gli sposi. E loro invece stanno ascosi. Come l'è sta facenda?

*Luis* La Laretta la se sentiva minga tant ben, ma adess gh'è passaa.

*Cat.* (*a Girolom*) Ma te see che te me tolt puranca el faa? Andemm a casa, in nome di Dio, puttost che famm andà in tant tossech quel poch divertiment.

*Gir.* L'è per el mè onor!

*Cat.* Ei, l'onor che l'è lì ciocch che l'ha bevuu on cinquanta bicier de vin!

SCENA ULTIMA.

**Laretta e detti.**

*Lau.* Ghe domandi tanti seus a tutti de avej fa spettà e tanto pu alla mia mamma (*abbracciandola*).

*Gio.* L'è roba de mangialla se la fuss ona pernis, ah! ah!

*Con.* Cialina, d'ona cialina (*tutti circondano Laretta*). Guarda quanti amis che te ghee intorno. Tutti te voeuren ben, goden tutti della toa felicitaa, e ti invece....

*Gio.* Su allegra e che la senta (*prende un bicchiere*). Quest l'è quel di quattordes fin adess, i hoo cuntaa.

Bevi ancamò de gust propi de bon  
Alla salut de quel matrimonion  
Bevi de gust — Bevi no per posa  
Alla salut de lee — De Santa Rosa.

*Tutti* Bravo.

*Dot.* Brava bestia, che pesciad ch'el tira.

*Con.* Oh! Signori... Siccome i popol voeuren minga sta in ozi e voeuren fa quatter salt, i signori cavalieri sono pregati di fare spazio (*tutti gli invitati lavorano a sgombrare*).

*Lau.* E mi ballaroo col sur Gustin, l'è content?

*Gus.* Cos'hoo de vess content che la va coi alter.

Hoo mangiaa la foeuja.

*Lau.* Ma l'è el mè spòs. Cos'el voeur fagh?

*Gus.* Ben ben, va ben, el saveva ben. Hin de qui menad. El po ringrazia el Signor che son minor de lu, ma quand deventaroo maggior...

Porco sciampin emm de vedella...

*Coro finale.*

Scordiamo i dolori  
Lasciamo gli affanni  
E i floridi anni  
Godiam nel piacer  
E a lor che l'amore  
Sorrider vediamo  
Qui uniti gridiamo  
Evviva l'amor.

FINE.

52115

## Ultime pubblicazioni.

- FASC. 60 *Dopo trii ann*, dramma in un atto di A. Dassi. —  
*I malizi d'ona serra*, scherzo comico in un atto  
di Eugenia Malinverni.
- 61 *Ona man lava l'altra e tutt e dò laven la faccia*,  
commedia in tre atti di Filippo Villani.
- 62 *El cappell d'cn Cappellon*, farsa in un atto di C.  
Arrighi.
- 63 *On sord e ona sorda*, farsa in un atto di C. Arrighi.  
— *El casto Giuseppe*, farsa in un atto dello stesso.
- 64 *Dal tecc a la cantina*, comm. in 3 atti di C. Arrighi.
- 65 *La gent de servizi*, comm. in 4 atti di C. Arrighi.
- 66 *L'idea della famiglia*, comm. in un atto di C. Ar-  
righi. — *La mej manera de lassà la moròsa*,  
comm. in un atto dello stesso.
- 67 *El Giovanin de S. Cristofen*, comm. in 2 atti di  
Valerio Busnelli. — *Oh! i nerv!* comm. in un  
atto di Enrichetta Oldani.
- 68 *On prêt che sent de vess omm*, comm. in 4 atti di  
Cletto Arrighi.
- 69 *La sura Palmira Spòsa*, com. in 5 atti per C. Arrighi
- 70 *On ripiegh de nevòd*, comm. in tre atti trascritta  
da C. Arrighi.
- 71 *Miee che secca? Mari che pecca!* farsa in un atto  
di C. Arrighi. *El Milanese in l'Isola* (Seg. del *Mi-  
lanese in Mar*) da un vaudev. ital. dello stesso.
- 72 *Carlambreus de Montesell*, commedia in due atti  
rifatta da Cletto Arrighi.
- 73 *L'amor vecc el ven mai frecc*, commedia di carat-  
tere in 4 atti per Cletto Arrighi.
- 74 *I duu ors*, vaudeville di E. Giraud. — *La coccia  
del can*, vaudeville dello stesso.
- 75 *I consequenz d'on qui pro quo*, comm. in 2 atti di  
Eugenio Fattorini. *El matrimoni del sur M P.*  
scherzo comico in un atto dello stesso.
- 76 *Qui pro quo*, commedia in un atto di E. Giraud.
- 77 *Teresa*, ossia *Divorzi o duell*, comm. in 4 atti di  
Cletto Arrighi.
- 78 *Ah, maledetta!* scherzo comico in un atto di Carlo  
Monteggia. — *El sur zio* — *Pin, Cecchine Zeffi-  
rin*, commedie in un atto dello stesso.
- 79 *On secretista in di pettol*, vaudeville di E. Giraud.
- 80 *Luis Beretta* (seguito del dramma *El 18 Mars  
1848*) scene in un atto di E. Giraud. — *La  
mosca*, opezetta cinese dello stesso.
- 81 *El sur Pedrin in coscrizion*, commedia in 4 atti  
di Antonio Dassi, (continuazione del *Nodar e Pe-  
rucchee e Pedrin in quarella*).

- FASC. 82 *Amor e affari*, commedia in 4 atti di C. Arrighi.
- » 83 *La Margheritin della Cagnoeula*, comm. in 3 atti di Autouio Dassi. — *On di de Santa Rosa*, scene domestiche dello stesso.
  - » 84 *Moschin, Vairon e Comp.*, comm. in 3 atti di Giraud.
  - » 85 *L'amor che scappa*, comm. in 2 atti di C. Arrighi.
  - » 86 *On sabet grass*, vaudeville per C. Arrighi. — *On garofoi de cinq fœuj*, comm. in un atto dello stesso.
  - » 87 *On minister in erba*, comm. in 2 atti di C. Arrighi.
  - » 88 *El prestide Barlassina*, comm. in 3 atti di C. Arrighi.
  - » 89 *La sura Santorenzi*, comm. in 3 atti di C. Arrighi.
  - » 90 *El randuca de Gerolstein*, commedia in 3 atti di C. Arrighi. — *On ball in maschera*, parodia in un atto dello stesso.
  - » 91 *On matrimoni per procura*, commedia in due atti di Cletto Arrighi. — *El sur Fonsin*, commedia in un atto dello stesso.
  - » 92 *La Fiorista*, commedia originale in 4 atti, di Giacomo Bonzani.
  - » 93 *La vendetta d'on Cugnaa*, Comm. in 2 atti di A. Dassi. — *La ghitarra de Stradicari*, farsa in un atto di Duroni e Giraud.
  - » 94 *On scavessacoll*, commedia in 2 atti di G. Tradico.
  - » 95 *I scoeul de ball*, comm. in 3 atti di Edoardo Mendel.
  - » 96 *On panattonin*, comm. orig. in 2 atti di C. Cima.
  - » 97 *Carlo Porta e i so poesij*, scene dell'epoca in 3 atti di Teodoro Anselmi.
  - » 98 *Leggerezza!...* scherzo comico in un atto di Leo Veleitá. — *El 6 febrar 1853* bozzetto drammatico in 2 quadri di Teodoro Anselmi.
  - » 99 *On lumin lontan lontan*, comm. in 4 atti di G. Cima.
  - » 100 *Chi sprezza ama*, comm. in 2 atti di G. Duroni.
  - » 101 *El garibaldin*, Idillio in un atto di E. Giraud.
  - » 102 *I saltador*, vaudeville in 2 atti di E. Giraud.
  - » 103 *Scrittura doppia!* commedia in 4 atti di G. Duroni.
  - » 104 *Ona partida alla móra!* com. in 1 atto di F. Bur...
  - » 105 *Lu el po andá*, commedia in un atto di E. Gir...  
— *La Baila*, vaudeville dello stesso.
  - » 106 *A la Pretura*, comm. in un atto di E. C...  
*Minestron*, follia dello stesso.
  - » 107 *Casa Cornabó*, comm. in due atti di E. Gir...  
*mamma la dorma!* dram. in un atto...
  - » 108 *Ona stoffa tutta lana*, comm. in 3 atti
  - » 109 *Ona perla!...* commedia in due atti

CC

Si spedisce franco dietro l'importo in vaglia p...  
testato all'Editore **Carlo Barbini**,  
via Chiaravalle, N. 9